

Samoan - Agape Tusi - God's Love Letter Scriptures

Ioane 15:9 E pei 'ona alofa mai o le Tamā 'iā te a'u, e fa'apea lava 'ona 'ou alofa atu 'iā te 'outou; 'ia 'outou tumau i lo'u alofa.

Isaia 43:1,2 - Efeso 2:10 Auā o lana galuega i tatou, na faia i tatou 'iā Keriso Iesu mo galuega lelei, na mua'i saunia e le Atua, 'ina 'ia tatou savavali ai.

Ieremia 1:5 - Kalatia 1:15 Peita'i, 'ina 'ua tofia a'u e le Atua a o o'u le'i fānau mai, ma 'ua vala'auina fo'i a'u i lona alofa tunoa.

Ioane 15:16 Tou te le'i filifilia a'u; a 'ua 'ou filifilia ma tofia 'outou, 'ia 'outou ō ma fua mai ni fua, ma 'ia tumau ai pea o 'outou fua; 'ina 'ia foa'iina atu fo'i 'iā te 'outou e le Tamā mea uma lava tou te ōle atu ai 'iā te ia i lo'u igoa.

3 Ioane 1:2 La'u uō pele, 'ou te tatalo 'ina 'ia manuia oe i mea uma lava, ia mālōlōina lou tino e pei 'ona manuia o lou agaga.

Isaia 43:4 - 1 Peteru 2:9,10 A o 'outou o le nu'u 'ua filifilia, o tupu ma ositaulaga, o le nu'u pa'ia, o tagata lava o le Atua, 'ina 'ia 'outou fa'aali atu galuega ofoofogia e lē na vala'auina 'outou mai le pouliuli i lona lava malamalama ofoofogia. 10 O 'outou o ē sa lē 'avea ma nu'u anamua, 'ua 'avea nei ma nu'u o le Atua; sa lē alofagia 'outou anamua, a o lenei 'ua alofagia.

Ieremia 31:3 - Efeso 1:4 A o le'i foafoaina le lalolagi, na filifilia e ia i tatou 'ona o Keriso, 'ina 'ia pa'ia i tatou, ma 'ia lē mata'uleagaina i ona luma.

Hosea 11:8 Ou te le faaoo lo'u ita telr; ou te le toe faaumatia Efaraimal auā o a'u o le Atua, a e le se tagata, o le Paia o loo i totonu ia te oe; ou te le alu atu me le ita.

2 Timoteo 1:9 Na fa'aolaina ma vala'auina i tatou e le Atua e 'avea ma ona lava tagata, e lē fa'apea 'ona o se mea 'ua tatou faia, 'ae peita'i o lona lava finagalo ma lona alofa tunoa, na foa'iina mai 'iā te i tatou 'iā Keriso Iesu i tausaga 'ua mavae.

Ioane 3:16 Auā 'ua alofa mai le Atua i le lalolagi, 'ua 'auina mai ai e ia lona Alo e to'atasi, 'ina 'ia lē fano se tagata e fa'atuatua 'iā te ia, a 'ia maua e ia le ola e fa'avavau.

Isaia 49:15,16 E galo ea i le fafine lana tama ua susu, na te le alofa i le tama a lona lava manava? ai lava e galo ia te i latou, a e le galo lava oe ia te au. 16 faauta, ua ou taia lou faatusa i o'u alofilima; e tumau ou pa i

o‘u luma.

Luka 12:32 “O oe le lafu mamoe itiiti, ‘aua ‘e te fefe! Auā ‘ua finagalo lo ‘outou Tamā e tu‘uina atu ‘iā te ‘outou le Mālō.

Isaia 41:13 Auā o a‘u o le ALII lou Atua, o le ua taofi lou lima taumatau; o le ua fai atu ia te oe, Aua e te fefe, o a‘u, ou te fesoasoani ia te oe.

Mataio 28:20 ‘ia ‘outou a‘oa‘o atu fo‘i ‘iā te i latou i mea uma na ‘ou poloa‘i atu ai, ma ‘ia ‘outou manatua, ‘ou te ‘iā te ‘outou i aso uma, e o‘o lava i le gata‘aga o le lalolagi.”

Ioane 14:1 ‘Ua fetalai atu lesu ‘iā te i latou, “ ‘Aua le atuatuvale o ‘outou loto. Fa‘atuatua i le Atua, ma ‘ia fa‘atuatua mai fo‘i ‘iā te a‘u.

Isaia 41:14 Aua e te fefe, le anufe Iakopo e, ma tagata o Isaraelu; o a‘u, ou te fesoasoani ia te oe, ua fetalai mai ai le ALII, o le ne faatauina oe, le Paia o Isaraelu.

Salamo 23:1 - Ioane 10:11 “O a‘u o le leoleo mamoe lelei. O le leoleo mamoe lelei ‘ua nofo sauni o ia e oti fa‘atasi ma mamoe.

Salamo 23:2 - O Le Fa‘aaliga 7:17 auā o le Tama‘i Mamoe o lo‘o i totonugalemū o le nofoāli‘i na te fafagaina i latou, ma ta‘ita‘i i latou i puna o vai ola; e soloi‘eseina fo‘i e le Atua loimata uma nai o latou mata.”

Salamo 23:3,4 - Luka 1:79 ‘ina ‘ia fa‘amalamalama ai ē o nonofo i le pouliuli ma le ata o le oti, ma ta‘ita‘i i tatou i le ala o le manuia.”

Salamo 23:5,6 - 2 Korinito 1:10 Na lavea‘iina i matou e ia mai le oti mata‘utia, ma o le a lavea‘i mai pea i matou. ‘Ua matou fa‘amoemoe fo‘i ‘iā te ia o le a toe lavea‘i mai ‘iā te i matou,

Filipi 4:7 O le manuia fo‘i mai le Atua, o lo‘o silisili lava i mea uma e manatu i ai, e leoleoina ai o ‘outou loto ‘atoa ma o ‘outou mafaufau ‘iā Keriso lesu.

Faataoto 3:24 & Salamo 4:8 - Ioane 14:27 “ ‘Ou te tu‘uina atu ‘iā te ‘outou le manuia, o lo‘u lava manuia ‘ou te foa‘i atu ‘iā te ‘outou, ‘ou te lē foa‘iina atu e pei ‘ona foa‘i ane e le lalolagi. ‘Aua le atuatuvale o ‘outou loto; ‘aua fo‘i tou te matata‘u.

Salamo 33:18 - 1 Peteru 3:12 Auā e silasila fofoga o le Ali‘i i ē e amiontonu, e liliu mai fo‘i ona taliga ‘iā latou tatalo, ‘ae liliu ‘ese o ia i ē e fai mea leaga.”

Roma 5:2 o ia fo‘i ‘ua tatou maua mai ai le ta‘ita‘iga i lenei alofa tunoa ‘ua tatou i ai nei. ‘Ua tatou ‘oli‘oli ai fo‘i i le fa‘amoemoe ‘ua tatou ‘auai fa‘atasi ai i le manuia o le Atua.

Isaia 55:12 - Luka 19:40 A ‘ua tali atu lesu ‘iā te i latou, “ ‘Āfai e fa‘alologo i latou nei, ‘ou te fai atu, e ‘alalaga mai lava ma‘a.”

Ioane 16:22 E fa'anoanoa nei fo'i 'outou; 'ae 'ou te toe sau 'iā te 'outou, 'ona 'oli'oli ai lea o 'outou loto, e lē 'ave'esea fo'i e se isi lo 'outou 'oli'oli.

Luka 12:9 a o lē e fa'afitia a'u i luma o tagata, e fa'afitia fo'i o ia i luma o agelu a le Atua.

Mataio 10:30 A o 'outou, e o'o lava i o 'outou lauulu 'ua uma 'ona faitauina.

Isaia 54:10 - Mataio 24:35 E mavae atu le lagi ma le lalolagi, a o a'u 'upu e lē mavae lava.

Mataio 11:28-30 " 'la 'outou ō mai 'iā te a'u 'outou uma o ē 'ua tigāina ma mafatia i avega, 'ou te avatua 'iā te 'outou le mālōlōga. 29 'la 'outou amoina la'u amo ma fa'aa'oa'o mai 'iā te a'u; auā e agamalū ma loto maulalo, 'ona maua lea e 'outou le mālōlōga mo 'outou agaga; 30 auā e 'ave gofie la'u amo e māmā fo'i la'u avega."

Le Pese a Solomona 2:10 Na tautala mai lo'u manamea, ua faapea mai ia te au, Si a'u uo e, si o'u lalelei e, ina tulai mai ia oe, ina sau ia;

Hosea 2:14,19,20 A e peirai a'u faauta, ou te faaoleole ia te ia, ma ta'ita'i ia te ia i le vao, ou te faamafanafana ia te ia. ...

2 Korinito 11:2 Auā 'ua 'ou fuā 'iā te 'outou i le fuā tau le Atua, auā na 'ou faufautane 'iā te 'outou 'iā Keriso, e tu'uina atu ai 'outou e pei o le fa'ato'anofotane i lana tane e to'atasi.

Esoto 3:14 - Eperu 13:8 O Iesu Keriso e lē liu lava o ia, o ananafi, ma le asō, e o'o lava i le fa'avavau.

Hosea 13:4 - Galuega 4:12 E leai lava se isi o i ai le fa'aolataga; auā e leai se isi igoa i lalo o le lagi 'ua foa'iina mai i tagata e mafai 'ona fa'aolaina ai i tatou."

Ioane 15:14 O a'u uō 'outou, pe 'āfai tou te faia mea uma na 'ou fa'atonuina ai 'outou.

Ioane 14:6 'Ua tali atu Iesu 'iā te ia, "O a'u nei le ala, ma le 'upu moni, ma le ola; e lē alu atu se isi i le Tamā, pe a lē ui mai 'iā te a'u.

O Le Fa'aaliga 3:20 O lenei, 'ou te tu atu i le faitoto'a ma tu'itu'i atu; a i ai se isi e fa'alogo mai i lo'u leo, ma tatala mai le faitoto'a, 'ou te ulufale atu 'iā te ia, ma te talisua ma ia, o ia fo'i ma a'u.